

ՀԱՂՈՐԴԱԳՐՈՒԹՅՈՒՆ ՍՅՈՒՆՑԱՅ ԹԵՄԻՑ

ՀԻՄՆԱՐԿԵՔ ՍՈՒՐԲ ՏՐԴԱՏ ԵԿԵՂԵՑՎՈ

Սյունյաց թեմի պատմության մեջ արձանագրվեց մի մոր թվական եկեղեցաշինության առումով, այս անգամ Վայքի շրջանում:

Սյունյաց թեմի առաջնորդ Տ. Ասողիկ եպիսկոպոս Արիստակեսյանը Մայր Աթոռի միաբանների և քահանա հայրերի ընկերակցությամբ կատարեց հիմնարկերը Ս. Տրդատ եկեղեցվո:

Առաջնորդ Սրբազանը մյուսոճմով օժեց եկեղեցու 16 հիմնաքարերը, որոնք զետեղվեցին ճշտված հիմքերի տակ: Եկեղեցական արարողությամբ ներկա էին հազարավոր հավատացյալներ՝ Սյունյաց աշխարհի տարրեր շրջաններից:

ՀԱՏՎԱԾ ԱՌԱՋՆՈՐԴ ՍՐԲԱՋԱՆԻ ԽՈՍՔԻՑ

Սիրելի հավատավոր զավակներ պատմական Սյունյաց աշխարհի: Մեր կարծիքով եկեղեցաշինությունը եղել և մնում է հայ ժողովրդի բարոյական նկարագրի շինարար կողմը: Դարերի հոլովությամբ, հայոց մեջ, եկեղեցի կառուցելը սուկ ճարտարապետական մի շինություն արձանագցնել չէ, այլ այն եղել և մնում է որպես աստվածապաշտության համար նախատեսված հավաքատեղի, որտեղ ի մի են գալիս Քրիստոսին խոստովանող հոգիներն ու սրտերը:

Եկեղեցին հայ ժողովրդի զավակներին իր մշտագո ներկայությամբ դաստիարակել և արժանի է դարձրել Աստուծո որդեգրությամբ:

Պատմության մեջ եկեղեցին ներկայանում է որպես քրիստոնեության թանձրացյալ մարմնացումը իր մշտագո աստվածապաշտությամբ:

Եկեղեցին կրոնա-բարոյական դաստիարակության սրբազան ավանդարանն է, որը ինքնաբուխ և վճիռ աղբյուրի մեծ թափաթիվ սերունդներ է սնել:

Ի վերջո եկեղեցին ստանձնել է փրկչական դեր, նա է մաքրագործում հոգիները և պատրաստում ժողովուրդներ հավերժական կյանքի համար:

Այսօր Ս. Տրդատ եկեղեցու հիմնարկերը, պատմական Մոզ քաղաքի տեղում, յուրաքանչյուր վայրեցու սրտում արթնացնում է մեր հայրերի դավանած և մեզ ավանդած անաղարտ հավատքի ջնորհները:

Սիրելի վայրեցիներ, եկեք բոլորս միասին լծվենք այս Աստվածահաճո գործին՝ ջուտով ավարտելու եկեղեցու շինությունը և գոհությամբ օրհնաբանելու:

Երանի՝ եկեղեցի շինողաց, ամեն: